

Siku Blocki malillugu nunatsinni sanaartornermut atugassatut pilersitsisoqarsinnaanera, taamaaliornikkut nunatsinni illuliornerup aningaasatigut imminut nammassinnaasumik ingerlanissaanut ilapittuutinngorlugu periarfissiuunnissaa pillugu Naalakkersuisut UKA2022-mi nassuiaammik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut

(Inatsisartunut Ilaasortaq Agathe Fontain, Inuit Ataqtigiit)

Akissuteqaat

(Ineqarnermut Attaveqaasersuutinullu Naalakkersuisoq)

Aappassaaneerneqarnera

Naalakkersuisut sinnerlugit Sanaartornermut Ataatsimiititaliaq isumaliutissiissutip tiguneqartup sukumiisumik suliarisimaneranut qutsavigaara.

Allannguutissatut siunnersuut manna 2021-mi ukiaanerani ataatsimiinnermi Naalakkersuisut siunnersuutigisaat Ataatsimiititaliap isumaqatigiittup inassutigigaa, Naalakkersuisut naammagisimaarlugu maluginiarpaat:

”Najukkani sanaartornermut atortunik tunisassiornissamut piunasaqaatinik, UKA2022-mi saqqummiunneqartussanik suliaqarnissamut Naalakkersuisut peqquneqarnissaannik Inatsisartuni aalajangiiffigisassatut siunnersuut. Piunasaqaatit Inatsisartunut agguanneqassapput, kiisalu tamanut ammasumik saqqummiunneqassapput aammalu illuliornermi sanaartornermilu suliaqartunut attuumassutilinnut, kommuninut aamma ilinniartinnut attuumassutilinnut agguanneqassallutik.”

Taamatut oqaaseqarlunga siunnersuut Inatsisartunut suliaassanngortippara.